



19 Disember 2013
19 December 2013
P.U. (A) 362

WARTA KERAJAAN PERSEKUTUAN

*FEDERAL GOVERNMENT
GAZETTE*

UNDANG-UNDANG KECIL KREMATORIUM
(WILAYAH PERSEKUTUAN KUALA LUMPUR) 2013

*CREMATORIUM (FEDERAL TERRITORY OF
KUALA LUMPUR) BY-LAWS 2013*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA KERAJAAN TEMPATAN 1976

UNDANG-UNDANG KECIL KREMATORIUM
(WILAYAH PERSEKUTUAN KUALA LUMPUR) 2013

SUSUNAN UNDANG-UNDANG KECIL

Undang-undang
Kecil

1. Nama dan permulaan kuat kuasa
2. Tafsiran
3. Permohonan dan fi
4. Larangan terhadap pembakaran mayat
5. Masa pembakaran mayat
6. Spesifikasi keranda
7. Pelupusan abu
8. Daftar pembakaran mayat
9. Penyimpanan rekod
10. Pengecualian
11. Pembatalan
12. Kecualian

JADUAL

AKTA KERAJAAN TEMPATAN 1976

UNDANG-UNDANG KECIL KREMATORIUM
(WILAYAH PERSEKUTUAN KUALA LUMPUR) 2013

PADA menjalankan kuasa yang diberikan oleh seksyen 98 Akta Kerajaan Tempatan 1976 [*Akta 171*], Datuk Bandar Kuala Lumpur membuat dan menurut seksyen 103 Akta tersebut, Menteri mengesahkan undang-undang kecil yang berikut:

Nama dan permulaan kuat kuasa

1. (1) Perintah ini bolehlah dinamakan **Undang-Undang Kecil Krematorium (Wilayah Persekutuan Kuala Lumpur) 2013**.

(2) Undang-Undang Kecil ini mula berkuat kuasa pada 1 Januari 2014.

Tafsiran

2. Dalam Undang-Undang Kecil ini, melainkan jika konteksnya menghendaki makna yang lain —

“Datuk Bandar” ertinya Datuk Bandar Kuala Lumpur yang dilantik di bawah Akta Ibu Kota Persekutuan 1960 [*Akta 190*];

“krematorium” ertinya krematorium yang disediakan oleh Datuk Bandar di bawah subseksyen 94(1) Akta Kerajaan Tempatan 1976; dan

“penjaga krematorium” ertinya mana-mana orang yang dilantik oleh Datuk Bandar untuk menguruskan urusan krematorium.

Permohonan dan fi

3. (1) Tiada pembakaran mayat di krematorium boleh dibenarkan melainkan jika permohonan dibuat dalam borang sebagaimana yang disediakan oleh Datuk Bandar bagi maksud itu.

(2) Permohonan untuk pembakaran mayat hendaklah dibuat oleh mana-mana orang yang berikut:

- (a) waris kadim si mati;
- (b) seseorang yang diberi kuasa secara bertulis untuk membuat permohonan itu oleh waris kadim si mati;
- (c) wakil peribadi yang sah bagi si mati;
- (d) mana-mana saudara yang rapat dengan si mati;
- (e) mana-mana orang yang memperoleh permit menguburkan daripada polis atau pihak berkuasa hospital; atau
- (f) mana-mana orang lain yang memenuhi kehendak Datuk Bandar berkenaan dengan sebab-sebab permohonan itu tidak dibuat oleh mana-mana pihak yang disebut dalam perenggan (a) dan (b).

(3) Datuk Bandar boleh meluluskan permohonan yang dibuat di bawah perenggan (2) tertakluk kepada—

- (a) pembayaran fi sebagaimana yang dinyatakan dalam Jadual; dan
- (b) apa-apa syarat dan sekatan sebagaimana yang ditentukan oleh Datuk Bandar.

(4) Datuk Bandar boleh, dalam apa-apa keadaan yang difikirkan perlu dan munasabah, mengecualikan keseluruhan atau sebahagian daripada fi yang dinyatakan dalam Jadual.

Larangan terhadap pembakaran mayat

4. (1) Tiada pembakaran mayat mana-mana si mati boleh dibenarkan di krematorium jika—

- (a) diketahui, dipercayai, atau disyaki bahawa si mati ialah seorang Islam;
- (b) terdapat keraguan sama ada si mati ialah seorang Islam;
- (c) diketahui bahawa si mati telah memberi apa-apa arahan atau petunjuk, sama ada secara lisan atau bertulis, supaya mayatnya tidak dibakar atau dikuburkan; atau
- (d) pengenalan si mati belum dapat dipastikan.

(2) Pemohon hendaklah menyerahkan suatu permit menguburkan yang dikeluarkan dengan sah oleh pihak polis atau pihak berkuasa hospital berkenaan dengan si mati kepada penjaga krematorium sebelum pembakaran mayat si mati itu boleh dijalankan.

Masa pembakaran mayat

5. (1) Krematorium hendaklah dibuka untuk pembakaran mayat pada hari dan masa sebagaimana yang ditetapkan dalam Jadual.

(2) Walau apa pun perenggan (1), Datuk Bandar boleh, dalam keadaan tertentu, membenarkan pembakaran mayat dijalankan di krematorium pada bila-bila masa selain masa yang ditetapkan dalam Jadual.

Spesifikasi keranda

6. Sesuatu keranda yang digunakan untuk mengisi mana-mana mayat yang akan dibakar di krematorium hendaklah diperbuat daripada kayu menurut spesifikasi yang ditentukan oleh Datuk Bandar.

Pelupusan abu

7. (1) Selepas tiap-tiap pembakaran mayat, abu si mati hendaklah diserahkan kepada orang yang telah memohon pembakaran mayat itu, jika dia menuntutnya.

(2) Jika, dalam masa empat belas hari selepas notis diberikan kepada orang yang telah memohon pembakaran mayat supaya mengambil abu itu, dia telah tidak berbuat demikian atau jika dia menunjukkan bahawa dia tidak berhajat untuk menuntutnya, abu itu hendaklah ditanam atau ditaburkan di suatu tempat sebagaimana yang ditentukan oleh Datuk Bandar.

(3) Selagi abu si mati berada di dalam krematorium, abu si mati itu hendaklah disimpan dan ditanda atau ditempatkan dengan sewajarnya supaya boleh dikenal pasti dengan jelas.

Daftar pembakaran mayat

8. (1) Penjaga krematorium hendaklah menyimpan atau menyebabkan disimpan suatu daftar pembakaran mayat dalam bentuk yang ditetapkan oleh Datuk Bandar dan hendaklah mengandungi butiran yang berikut yang berhubungan dengan setiap pembakaran mayat:

- (a) nombor siri pembakaran mayat;
- (b) tarikh pembakaran mayat;
- (c) nama, nombor kad pengenalan, alamat tempat tinggal, pekerjaan, umur, jantina, agama dan taraf perkahwinan si mati;
- (d) tarikh, tempat dan masa kematian si mati;
- (e) nama, nombor kad pengenalan dan alamat orang yang memohon pembakaran mayat;
- (f) pertalian hubungan antara orang yang memohon pembakaran mayat dengan si mati;
- (g) sebab-sebab kematian si mati, sekiranya diketahui;
- (h) nombor rujukan permit menguburkan;

- (i) nama, jawatan dan alamat orang yang telah mengeluarkan permit menguburkan; dan
- (j) cara bagaimana abu si mati dilupuskan.

(2) Butiran yang disebut dalam subperenggan 1(a) hingga (i), hendaklah dicatatkan dalam daftar pembakaran mayat selepas sahaja pembakaran mayat dijalankan dan butiran yang disebut dalam subperenggan 1(j) hendaklah dicatatkan dengan seberapa segera selepas abu itu dilupuskan di bawah Undang-Undang Kecil ini.

Penyimpanan rekod

9. (1) Penjaga krematorium hendaklah memastikan semua permohonan, permit dan dokumen lain yang berhubungan dengan setiap pembakaran mayat dinomborkan, difailkan dengan teratur dan dijaga dengan sebaiknya selama tempoh sepuluh tahun dari tarikh pembakaran mayat.

(2) Datuk Bandar boleh melupuskan mana-mana dokumen yang disebut dalam perenggan (1) selepas tamat tempoh sepuluh tahun mengikut apa-apa cara yang difikirkannya sesuai.

Pengecualian

10. Datuk Bandar boleh mengecualikan mana-mana orang secara bersyarat atau tanpa syarat daripada mana-mana peruntukan Undang-Undang Kecil ini.

Pembatalan

11. Undang-Undang Kecil Kerajaan Tempatan (Krematorium Cheras) 1978 [P.U. (A) 170/1978] dibatalkan.

Kecualian

12. Apa-apa permohonan, permit, daftar atau dokumen yang dibuat, dikeluarkan atau disimpan di bawah Undang-Undang Kecil yang dibatalkan hendaklah disifatkan

telah dibuat, dikeluarkan atau disimpan di bawah Undang-Undang Kecil ini, dan hendaklah terus berkuat kuasa sehingga ia dibatalkan atau digantikan di bawah Undang-Undang Kecil ini.

JADUAL

UNDANG-UNDANG KECIL KREMATORIUM
(WILAYAH PERSEKUTUAN KUALA LUMPUR) 2013

[Undang-undang kecil 3 dan 5]

<i>Hari/Masa</i>	<i>Fi bagi satu mayat</i>
Isnin hingga Ahad termasuk hari kelepasan am (9.00 pagi hingga 4.00 petang)	RM100

Dibuat 26 Jun 2013
[JHEU2/10/2009; PN(PU2)328A/XXVI]

DATUK SERI AHMAD PHESAL BIN TALIB
Datuk Bandar Kuala Lumpur

Disahkan 28 November 2013
[KWPKB(S): 24/PUU/698/1/1/26; PN(PU2)328A/XXVI]

DATUK SERI TENGKU ADNAN BIN TENGKU MANSOR
Menteri Wilayah Persekutuan

LOCAL GOVERNMENT ACT 1976
CREMATORIUM (FEDERAL TERRITORY OF KUALA LUMPUR)
BY-LAWS 2013

ARRANGEMENT OF BY-LAWS

By-laws

1. Citation and commencement
2. Interpretation
3. Application and fee
4. Prohibition against cremation
5. Time for cremation
6. Specification of coffin
7. Disposal of ashes
8. Register of cremation
9. Keeping of records
10. Exemption
11. Revocation
12. Savings

SCHEDULE

LOCAL GOVERNMENT ACT 1976

CREMATORIUM (FEDERAL TERRITORY OF KUALA LUMPUR)
BY-LAWS 2013

IN exercise of the powers conferred by section 98 of the Local Government Act 1976 [Act 171], the Commissioner of the City of Kuala Lumpur makes, and pursuant to section 103 of the said Act, the Minister confirms the following by-laws:

Citation and commencement

1. (1) These by-laws may be cited as the **Crematorium (Federal Territory of Kuala Lumpur) By-Laws 2013**.

(2) These By-Laws come into operation on 1 January 2014.

Interpretation

2. In these By-Laws, unless the context otherwise requires —

“Commissioner” means the Commissioner of the City of Kuala Lumpur appointed under the Federal Capital Act [Act 190];

“crematorium” means the crematorium provided by the Commissioner under subsection 94(1) of the Local Government Act 1976 ; and

“person in charge of the crematorium” means any person who has been appointed by the Commissioner to manage the affairs of the crematorium.

Application and fee

3. (1) No cremation at the crematorium shall be permitted unless an application is made in such form as the Commissioner may provide for that purpose.

(2) The application for cremation shall be made by any of the following persons:

- (a)* next-of-kin of the deceased person;
- (b)* a person who is authorized in writing to make the application by the next-of-kin of the deceased person;
- (c)* the lawful personal representative of the deceased person;
- (d)* any close relative of the deceased person;
- (e)* any person who has obtained a permit to bury from the police or hospital authority; or
- (f)* any other person who satisfy the Commissioner as to the reason that the application is not made by the person referred to in paragraphs *(a)* and *(b)*.

(3) The Commissioner may approve the application made under paragraph 2 subject to—

- (a)* payment of a fee as specified in the Schedule; and
- (b)* any condition and restriction as the Commissioner may specify.

(4) The Commissioner may, in any circumstances as he thinks necessary and reasonable, exempt in whole or in part, the fee specified in the Schedule.

Prohibition against cremation

4. (1) No cremation of any deceased person shall be permitted at the crematorium if —

- (a)* it is known, believed, or suspected that the deceased person was a Muslim;
- (b)* there is doubt as to whether the deceased person was a Muslim;

- (c) it is known that the deceased person had given any direction or indication, whether verbally or in writing, that his body should not be cremated or buried; or
- (d) the identity of the deceased person has not been ascertained.

(2) The applicant shall produce a permit to bury which is lawfully issued by the police or hospital authority in respect of the deceased person to the person in charge of the crematorium before the cremation of the deceased person can be carried out.

Time for cremation

5. (1) The crematorium shall be available for the cremation of corpse on the day and at the time as specified in the Schedule.

(2) Notwithstanding paragraph (1), the Commissioner may, in any particular case, permit cremation to be carried out at the crematorium at any time other than the time prescribed in the Schedule.

Specification of coffin

6. A coffin used for containing any corpse to be cremated at the crematorium shall be made of wood according to the specification as the Commissioner may determine.

Disposal of ashes

7. (1) After every cremation, the ashes of the deceased person shall be surrendered to the person who applied for the cremation, if he claims it.

(2) Where, within fourteen days after notice has been given to the person who applied for the cremation to collect the ashes, he has not done so or if he has indicated that he does not wish to claim it, the ashes shall be interred or scattered at such place as the Commissioner may determine.

(3) While the ashes of the deceased person remains at the crematorium, it shall be properly stored and so marked or placed as to be clearly identified.

Register of cremation

8. (1) The person in charge of the crematorium shall keep or cause to be kept a register of cremation which shall be in such form as the Commissioner may prescribe and in which shall be entered the following particulars relating to each cremation:

- (a) the serial number of the cremation;
- (b) the date of the cremation;
- (c) the name, identity card number, residential address, occupation, age, sex, religion and marital status of the deceased person;
- (d) the date, place and time of death of the deceased person;
- (e) the name, identity card number and address of the person who applied for the cremation;
- (f) relationship between the person who applied for the cremation with the deceased person;
- (g) the cause of death of the deceased person, if known;
- (h) the reference number of the permit to bury;
- (i) the name, designation and address of the person who issued the permit to bury; and
- (j) the manner in which the ashes of the deceased person were disposed of.

(2) The particulars referred to in subparagraphs (1)(a) to (i), shall be entered in the register of cremation immediately after the cremation has been carried out and

the particulars referred to in subparagraph (1)(j) shall be entered as soon as the ashes have been disposed of under these By-Laws.

Keeping of records

9. (1) The person in charge of the crematorium shall ensure that all applications, permits and other documents relating to each cremation are numbered, properly filed and carefully kept for a period of ten years from the date of the cremation.

(2) The Commissioner may dispose of any document referred to in paragraph (1) after the expiry of ten years in any manner as he thinks fit.

Exemption

10. The Commissioner may, conditionally or unconditionally, exempt any person from any provision of these By-Laws.

Revocation

11. The Local Government (Cheras Crematorium) By-Laws 1978 [*P.U. (A) 170/1978*] is revoked.

Savings

12. Any application, permit, register or document made, issued or kept under the revoked By-Laws shall be deemed to have been made, issued or kept under these By-Laws, and shall continue in force until revoked or replaced under these By-Laws.

SCHEDULE

CREMATORIUM (FEDERAL TERRITORY OF KUALA LUMPUR)

BY-LAWS 2013

[By-laws 3 and 5]

<i>Day/Time</i>	<i>Fee per corpse</i>
Monday to Sunday including public holiday (9.00 am to 4.00 pm)	RM100

Made 26 June 2013
[JHEU2/10/2009; PN(PU2)328A/XXVI]

DATUK SERI AHMAD PHESAL BIN TALIB
Commissioner of the City of Kuala Lumpur

Confirmed 28 November 2013
[KWPKB(S):24/PUU/698/1/1/26; PN(PU2)328A/XXVI]

DATUK SERI TENGKU ADNAN BIN TENGKU MANSOR
Minister of Federal Territories